

صاحب امتیاز و مدیر مسئول؛

سرپرست ازبیر غنچه‌ساز حاجی

حسین حامی

Directeur Husséin Hilmi

مع پوسته سنه‌لکی ۶۰ غروش

» » آلتی آیانلی ۴۰ »

مکاتیب و اوراق وارده باب عالی

جاده‌سند منظمه افکار، طبعه‌سند

کوندروملیدر .

اشتراک

برای بری باقار ، قیامت اوندن قوبار

سوسیالیزم افکارینک مروجیدر

مقصودینه وصول ایچون هر درلو فداکارانی کوزه
آلیر. سوسیالیزم فکری ترقی ایتیش وایده جکدر.
ارباب امتدادنه قدر ممانعت زمینلری احضار
ایدرلر سه ایتسونلرینه بو مسلك ترقی ایدوب
بر کون علناً اعلان ظفره موفق اوله جقدر.
علم اقتصادك ظهورندن صکرمه سوسیالیزم دها
زیاده سرعتله تعمم وانتشاره باشلادی.
اقتصاد ایله سوسیالیزم آره سنده سنه لردنبرو
دوام ایدن منافرت وضدیت سایه سنده بومسلك
سالکاری چو غالمشدر.

عصر آخیره فرانسه ده سوسیالیزم مسلكك
ترقیسنه اك زیاده غیرت ایدن سن سیمون
۱۸۲۱ تاریخنده نشر ایتدیكى « اصول صناعه »
نام اثریله کسب اشتهار ایتشدر، عالم مومى ایه
بو اثرنده جمعیتك بتون اوجاع واضطرباتی
تعداد ایدرهك زنگینلره، اریستوقراتلره
اعتنخوان اولمش. مشهور فوریه ۱۸۲۲ تاریخنده
« حق تصرف ندر؟ » اثریله سوسیالیزم عالنده
بر مواقع مهم احراز ایتشدر.

انگلتره ده مستر (اوین) ۱۸۱۲ ده
آلمانیا ده قارلی - مارقس (سرمایه) اثرلری
نشر ایدرهك صحفه اجتماعیه ده انقلابلر حصوله
کثیر مشلدر.

صوك زمانلرده سوسیالیزم مسلكی اك زیاده
آلمانیا ده ترقی ایتیش اولوب « اشتراك » اصولی
ایجاد ایدلدى.

سوسیالیزم مکتبی تنفیدات، شکایات،
مواخذات اساسلری اوزرینه قورولمش بر بنای
منظم و محتملدر. اوراده مسائل اجتماعیه بتون

السانلردر. بز بو حمارك رفعی وعملهك مدافعه
حقوقی ایچون البته الى نهایه صحفه مجادله ده
تحریرك سیف حریت ایدوب نهایت اعلان ظفره
سعی وغیرت ایده جکمز.

بدیک



اشتراکیون « سوسیالیست » مکتبی

قدم نقطه نظرندن سوسیالیست مکتبی لیبرال
مکتبندن پك اسکیدر. علم اقتصاده اساسلر
وضع ایدلندن پك چوق زمان اول سوسیالیست
فکری حکمفرما اولمشدر. علمای مشهوره
قدیمه دن افلاطون بومسلكك اساسلری وضع
ایتیش وعصر لرجه مدت بر چوق فلیسوفلر
وعلمای عالم مسلك مذکورى تعقیب ایدرهك حیات
اجتماعیه بی تنظیمه سعی وغیرت ایتشار ایهده
مدهش انگیزیسونلر، متعصب راهلر، مستبد
حکمدارلر، ظالم پرنسلر، ارباب ثروت وسامان
دائما ودائما بوفکرك تعمم وانتشارینه مانع
اوله رق سالکارینه قارشو مظالم واعتسافات
بی نهایه اجرا ایتشلدر.

فقط سر است فکر هیچ بر وقت قارشو
سنده قوعبولان ثمانهات، اعتسافات و تعدیاته
سرفروایتمز، او دایما جدیق تعقیب ایده ایده غایه

رنگا رنگ اظهارات و اشکال مختلفه سیله انظاره مدقیقه قارشو هیئتیا اولور .

سوسیالیست مکتبی سالیکارینک متعدد عقیده لری میاننده الذریاده جالب دقت اولانلری بوجه آیدر .

اولا . - صورت عمومیه ده بتون سوسیالیست مکتب لری احوال اجتماعیه حاضره نك برطاقم علل و امراض ساریه ایله معلول و مریض اولوب امراض مذکورہ میقرویلری کیت کیده کتله جسمه اجتماعیه بی کیره کیره محویتی موجب اوله جقلردر .

ثانیاً . - بتون املاک و اراضینک ، اشیای تجاریه و مواد اصلیه زراعیه و صناعیه نك بعض مرحلتیز سرمایه دارانک و ارباب زعامتک تحت تصرف و تملکند بولندقلرندن طولانی حیات اجتماعیه ده دائماً اهنکسز لک ، انتظامسزلق ، اطرادسزلق حکمفرما اولوب جمعیتک مقصد اصلیته خلل طاری اولور ،

املاک و اراضینک ، ثروت و سامانک ایادی خله وصده تمرکز ی البته جمعیتک اساسی و انتظامی بوزار ، تعبیر عامیانه سیله « کیمسنده جوق جوق » کیمسنده هیچ یوق « اولوب ، جوغه مالک اولانلار هیچه مالک اولانلری ایستدکاری کی کند ی منفعتلرینه اوله رق جالشیدر لر ، اولنرک سعی و غیرت لرندن کسیدیلری استفاده ایدرک دائره ثروت و سامانلری ده زیادہ توسیع ایدر لر ، قاصه لرندہ مدخر آلتونلرک عددی جوغلر لر . ثالثاً . - بر زمان کله جاک که تملک و تصرف

کاملاً میداندن قالقارق تصرفات و تملکات عمومیہ قاعده سی جاری اوله جقدر . بوصورتله هر کس متساوی آسبی و غیرتندن استفاده ایدرک هیچ برشکایتہ میدان قالمیه جق و بویله جه احوال اجتماعیه انتظام چیغیرینه کیره بیله جکدر .

اشبو مطالبات و عقائد مختلفه نقطه نظرندن سوسیالیست مکتبلری بوجه آتی شعباته تقسیم ایدم .

برنجی - اجتماعیون ، - بونلر هر نوع اشیا املاک و اراضی ایچون تصرف شخصی اصولنک قطعاً فسخ و الغاسنی طلب ایدر لر .

ایکنجی . - اشتراکیون - بونلر یالکمز استحصاله خادم اولان اشیا و موادده تصرف فسخ و الغاسنی طلب ایدر لر .

اوپنجی - اراضی سوسیالیستلری - بونلر دخی یالکمز اراضی و اموال غیر منقولده تصرف اصولنک الغاسنی طلب ایدر لر .

عصر اخیر ابتدا سنده سوسیالیزم اصولنک تعمیم و انتشارینه داعی اولان طوماس مورس ، سن سیمون و فوریه کی سوسیالیستلرک تعقیب ایش اولدقلری مسالک همان کاملاً زائل اولمقده در بونلر استقبالده جمعیتک کیف مایشا بر انتظامه تابع طوبیله جغنی بیانه متعدد فکر لر غریب نظریه لر میدانه قویمش و اوزمان کسب اشتہار ایتشلر ایدی . شمعی بو مسالک سالک اولانلره و همیون یعنی هوایی بوش فکر لر بله یین نامی ویر لر .

« مابعدی وار »

بدیک